

354.

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21), na prijedlog Vlade Unsko-sanskog kantona, na 36. redovnoj sjednici, održanoj dana 24. 3. 2026. godine, Skupština Unsko-sanskog kantona d o n o s i

ZAKLJUČAK

Član 1.

Prihvata se Izvještaj o radu
Kantonalnog tužilaštva za 2025. godinu.

Član 2.

Ovaj Zaključak stupa na snagu danom donošenja i objaviće se u „Službenom glasniku Unsko-sanskog kantona“.

Predsjedavajući Skupštine
Unsko-sanskog kantona
Nisvet Jusić

355.

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21), na prijedlog Vlade Unsko-sanskog kantona, na 36. redovnoj sjednici, održanoj dana 24. 3. 2026. godine, Skupština Unsko-sanskog kantona d o n o s i

ZAKLJUČAK

Član 1.

Prihvata se Izvještaj o radu
Kantonalne uprave civilne zaštite za 2025.
godinu.

Član 2.

Ovaj Zaključak stupa na snagu danom donošenja i objaviće se u „Službenom glasniku Unsko-sanskog kantona“.

Predsjedavajući Skupštine
Unsko-sanskog kantona
Nisvet Jusić

356.

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21), na prijedlog Vlade Unsko-sanskog kantona, na 36.

redovnoj sjednici, održanoj dana 24. 3.
2026. godine, Skupština Unsko-sanskog
kantona d o n o s i

ZAKLJUČAK

Član 1.

Prihvata se Izvještaj o radu
Kantonalne uprave za inspeksijske poslove
za 2025. godinu.

Član 2.

Ovaj Zaključak stupa na snagu danom donošenja i objaviće se u „Službenom glasniku Unsko-sanskog kantona“.

Predsjedavajući Skupštine
Unsko-sanskog kantona
Nisvet Jusić

357.

Na osnovu člana 16. i 18. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), člana 64. stav (6) Zakona o prostornom uređenju i građenju – Novi prečišćeni tekst – („Službeni glasnik Unsko-sanskog kantona“, broj 8/25), na prijedlog Ministarstva za građenje, prostorno uređenje i zaštitu okoliša, Vlada Unsko-sanskog kantona na 15. sjednici, održanoj dana 12. 3. 2026. godine, donosi

U R E D B U

**o građevinama i zahvatima od značaja
za Unsko-sanski kanton i građevinama i
zahvatima koji mogu u znatnoj mjeri
uticati na okoliš, život i zdravlje ljudi
Unsko-sanskog kantona i šire, za koje
lokalističku informaciju, odnosno
urbanističku saglasnost izdaje
Ministarstvo za građenje, prostorno
uređenje i zaštitu okoliša**

POGLAVLJE I. OPĆE ODREDBE

Član 1.

Ovom Uredbom određuju se građevine i zahvati od značaja za Unsko-sanski kanton (u daljnjem tekstu: Kanton) i građevine i zahvati koji mogu u znatnoj mjeri uticati na okoliš, život i zdravlje ljudi Kantona, a za koje lokacijsku informaciju, odnosno urbanističku saglasnost izdaje Ministarstvo za građenje, prostorno uređenje i zaštitu okoliša (u daljnjem tekstu:

Ministarstvo), na osnovu prethodno pribavljenog mišljenja općinskih/gradskih organa uprave nadležnih za poslove prostornog uređenja.

Član 2.

Za građevine i zahvate ispod pragova utvrđenih ovom Uredbom i za građevine i zahvate koji nisu navedeni u ovoj Uredbi lokacijsku informaciju, odnosno urbanističku saglasnost izdaje općinski/gradski organ uprave nadležan za poslove prostornog uređenja.

POGLAVLJE II. GRAĐEVINE I ZAHVATI OD ZNAČAJA ZA KANTON

Član 3.

Građevine i zahvati od značaja za Kanton za koje lokacijsku informaciju, odnosno urbanističku saglasnost izdaje Ministarstvo su:

a) Građevine saobraćaja i veza

- 1) rekonstrukcija dijelova magistralnih cesta, cestovnih objekata i raskrsnica na magistralnim cestama dužine obuhvata rekonstrukcije do 500 m,
- 2) regionalne ceste, osim rekonstrukcije dijelova regionalnih cesta, cestovnih objekata i raskrsnica na regionalnim cestama dužine obuhvata rekonstrukcije do 500 m,
- 3) željezničke pruge za regionalni saobraćaj, s pripadajućom željezničkom infrastrukturom,
- 4) regionalni aerodromi za unutrašnji saobraćaj, uključujući građevine i infrastrukturu kontrole zračne plovidbe;

b) Energetske građevine

- 1) građevine za proizvodnju električne energije instalirane snage od 10 MW do 50 MW sa pripadajućim građevinama i postrojenjima,
- 2) nadzemni električni vodovi napona 110 kV sa rasklopnim postrojenjima i transformatorskom stanicom,
- 3) regionalni cjevovodi koji služe za transport nafte, gasa ili naftnih derivata i drugih hemikalija, uključivo terminal, otpremnu i

mjerno-regulacijsku (redukcijsku) stanicu tehnološki povezanu s tim cjevovodom;

c) Vodne građevine

- 1) brane i ostala postrojenja za zadržavanje vode kojima se vrši uticaj na područje drugog kantona ili druge općine/grada bez obzira na veličinu i kapacitet,
- 2) regulacijske građevine i obaloutvrde iznad 500 m dužine, na vodama prve (I) kategorije u urbanom području i vodama druge (II) kategorije izvan urbanog područja;

d) Građevine posebne namjene

- 1) građevine za proizvodnju i skladištenje eksploziva i minsko-eksplozivnih sredstava za privrednu upotrebu;

e) Ostale građevine

- 1) kantonalne i opće bolnice.

POGLAVLJE III. GRAĐEVINE I ZAHVATI KOJI MOGU U ZNATNOJ MJERI UTICATI NA OKOLIŠ, ŽIVOT I ZDRAVLJE LJUDI KANTONA

Član 4.

Građevinama i zahvatima u prostoru iz člana 1. ove Uredbe smatraju se i građevine i zahvati koji moraju imati okolinsku dozvolu, u skladu sa propisima kojima se uređuje oblast zaštite okoliša, a koji nisu određeni kao građevine i zahvati koji mogu u znatnoj mjeri uticati na okoliš, život i zdravlje ljudi Federacije Bosne i Hercegovine i šire te građevine i zahvati od značaja za Federaciju, za koje urbanističku saglasnost i / ili lokacijsku informaciju izdaje Federalno ministarstvo prostornog uređenja.

Član 5.

Građevinama i zahvatima u prostoru iz člana 1. ove Uredbe smatraju se i građevine i zahvati za koje Federalno ministarstvo okoliša i turizma u postupku prethodne procjene uticaja na okoliš odlučuje o potrebi procjene uticaja na okoliš izradom studije, u skladu sa propisima kojima se uređuje oblast zaštite okoliša, a koji nisu određeni kao građevine i zahvati koji mogu u znatnoj mjeri uticati na okoliš,

život i zdravlje ljudi Federacije Bosne i Hercegovine i šire te građevine i zahvati od značaja za Federaciju, za koje urbanističku saglasnost i/ili lokacijsku informaciju izdaje Federalno ministarstvo prostornog uređenja.

Član 6.

Pod građevinama i zahvatima u prostoru iz člana 1. ove Uredbe smatra se i eksploatacija mineralnih sirovina uključujući i građevine unutar eksploatacionog polja u svrhu eksploatacije, a u skladu sa propisima iz oblasti rudarstva, a koji nisu određeni kao građevine i zahvati koji mogu u znatnoj mjeri uticati na okoliš, život i zdravlje ljudi Federacije Bosne i Hercegovine i šire te građevine i zahvati od značaja za Federaciju, za koje urbanističku saglasnost i/ili lokacijsku informaciju izdaje Federalno ministarstvo prostornog uređenja te eksploatacija mineralnih sirovina na površini do 25 ha za eksploatacije:

- energetske mineralne sirovine – sve vrste fosilnih ugljena, ugljikovodici u čvrstom, tečnom i gasovitom stanju,
- radioaktivne mineralne sirovine,
- mineralne sirovine iz kojih se mogu proizvoditi metali i njihova jedinjenja,
- sve vrste soli i solnih voda i gasova koji se sa njima javljaju.

POGLAVLJE IV. UPRAVNI NADZOR

Član 7.

Nadzor nad provođenjem odredaba
ove Uredbe vrši Ministarstvo.

Član 8.

Inspekcijski nadzor nad
provođenjem odredaba ove Uredbe vrši
kantonalna urbanističko-građevinska
inspekcija.

POGLAVLJE V. PRIJELAZNE I ZAVRŠNE ODREDBE

Član 9.

Postupci izdavanja lokacijske informacije, odnosno urbanističke saglasnosti započeti prije stupanja na snagu ove Uredbe dovršit će se prema propisu koji je bio na snazi u vrijeme podnošenja zahtjeva.

Član 10.

Danom stupanja na snagu ove Uredbe prestaje da važi Uredba o građevinama i zahvatima od značaja za Unsko-sanski kanton i građevinama, djelatnostima i zahvatima koji mogu u znatnoj mjeri uticati na okoliš, život i zdravlje ljudi, za koje lokacijsku informaciju, odnosno urbanističku saglasnost izdaje Ministarstvo za građenje, prostorno uređenje i zaštitu okoliša Unsko-sanskog kantona („Službeni glasnik Unsko-sanskog kantona“, broj: 3/16, 9/16 i 30/20).

Član 11.

Ova Uredba stupa na snagu narednog dana od dana objavljivanja u „Službenom glasniku Unsko-sanskog kantona”.

Broj: 03-02-44-370/2026
12. marta 2026. godine
Bihać

PREMIJER KANTONA

mr. sci. Mustafa Ružnić

358.

Na osnovu člana 16. i 18. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), na prijedlog Ureda za zajedničke poslove Vlade Unsko-sanskog kantona, Vlada Unsko-sanskog kantona na 21. sjednici, održanoj dana 2. 4. 2026. godine, **d o n o s i**

UREDBU

o izmjeni Uredbe o poklonima, uslovima i načinu korištenja reprezentacije

Član 1.

U Uredbi o poklonima, uslovima i načinu korištenja reprezentacije („Službeni glasnik Unsko-sanskog kantona“, broj: 21/13, 3/16, 28/22 i 17/25) u članu 9. stav (2) mijenja se i glasi: „U cilju namjenskog trošenja sredstava reprezentacije svaki račun mora biti potpisan i ovjeren od strane rukovodioca organa“.

Član 2.

Ova Uredba stupa na snagu narednog dana od dana objavljivanja u „Službenom glasniku Unsko-sanskog kantona“.

Broj: 03-02-44-456/2026
2. aprila 2026. godine
Bihać

PREMIJER KANTONA

mr. sci. Mustafa Ružnić